

Aatsitassanut Ikummatissanullu Pisortaqarfik  
att. Maja Sofie Burgaard

ALLAKKIAQ

Cairn-ip VVM-imut nassuiaataa pillugu, Pitu-mi pisinnaatitsissuteqarfimmi 2011-imi 3D-inik sajuppillatsitsisarnissanik qinnuteqaat ilanngunneqarluni

Qimusseriarsuarmi Pitu-mi pisinnaatitsissuteqarfimmi 3D-inik sajuppillatsitsisarnissanut qinnuteqaammik Cairn 2011-imi maajimi AIP-imut tunniussivoq.

Qinnuteqaammut tassunga VVM-imut nassuiaat ilanngunneqarpoq, taannalu DMU-ip allakkiami 3. juni 2011-imeersumi oqaaseqarfigaa. Cairn-ip 7. juuli akissuteqarnermini DMU-up oqaaseqaatai oqaaseqarfigai.

Cairn-ip pisuni arlalinni DMU-ip oqaaseqaatai akuerai, ilaatigut tapiliussaq D-imik ilanngussilluni.

Tamatuma kingorna DMU naliliivoq VVM-mut nassuiaat piumasaqaatigineqartunut naapertuuttoq, kisiannili qulequttat nalilersuinerillu ilai isumaqatigiinnngissutigaaavut. Taakkua pingaartumik tassaapput imaani avatangiisini eqqaaniittuni nipiliortitsinerit nipitussusaat qanoq nipitutigisussaassanersut.

Taamaattumik nipitussutsit taakkua misissorniarlugit sumiiffimmit misissuiffiusussamit assigiinnngitsunik ungasissusilinni nipiliornerit nipitussusaasa alapernaarsorneqarnissaannut Cairn akuersivoq. Alapernaarsuinissamut immiussivissaq taanna DMU-mit aamma Pinngortitaleriffimmit suleqatigiinnikkut suliarineqarpoq.

Qimusseriarsuarmi 3D-imik sajuppillatsitsisararluni misissuinissat pilersaarutigineqartut sunniutigisinnaasaannut tunngatillugu DMU aamma GN isumaqarput, qilalukkat qernertat aasaanerani sumiiffigisartakkaminnit pingaaruteqartumit, aammalu qilalukkanik taakkunanga piniariartarfittut pingaaruteqartumit, qimarratsinneqarsinnaanerit aarlerinaateqartussaasoq. Pingaartumik piniartut Upernaviup avannarpassinnerusortaaneersut eqqorneqarsinnaassaapput, pissutigalugu taakkua piniariartarnerat piffissami juulip aallartinneraniit oktobarip aallartinneranut ingerlanneqartarmat; taamaattorli amerlanerpaat aggustimi pisarineqartarput. Piniartut Savisissivimmeersut piffissami juulip aallartinneraniit aggustip qiteqqunneranut qilaluarniartarput, tassalu sajuppillatsitsisararluni misissuinerit aallartinneqarnissaat sioqqullugu.

Qilalukkat Qimusseriarsuami aasaanerani sumiiffigisartakkaminnit qimarratsinneqassagalarunik kingusinnerpaamik aasap tulliani aatsaat uteqqissasut DMU aamma GN naliliipput, tassa imaappoq sajuppillatsitsisararluni misissuinerit sunniutaat qaangiuteqqittussaasut. Ukiuni aggersuni pisinnaatitsissutip sumiiffiata eqqaaniittuni sajuppillatsitsisararluni misissuinerit ingerlateqqinneqassappata ataavarnerusumik qimagutitsivinnissaq aarlerinaateqartussaavoq (sunniutaasut annertusiartortut). Aarlerinaataasoq taanna qanoq annertutigilissanersaq nipiliornerit alapernaarsuiffimmit siuliani taaneqartumit paasisatigut paasinarsinneqarsinnaassasut neriunarpoq.

David Boertmann